

मणिचूड जातक

1979 लुम्बिनी वर्षया उपलक्षे



सम्पादक

बोधिरत्न वज्राचार्य

मणिचूड जातक



संशोधक

सूर्यलाल वज्राचार्य



सम्पादक

बोधिरत्न वज्राचार्य



प्रकाशक

धर्मकीर्ति बौद्ध अध्ययन गोष्ठी

श्रीघः, नघः

काठमाडौं

कथाच इजाजत
कथाच इजाजत



मानवस्य मानसं

बुद्ध वर्ष २५२२
नेपाल संवत् १०६६
विक्रम संवत् २०३६
द्वितीन संस्करण १०००



DhammaDigital



थाकू :

शाक्य प्रेस

अंबहा, ये । फोन । १३६०४

निगू शब्द

नेपाले मणिचूड जातक बौद्ध साहित्यया छगु महान धर्म ग्रन्थ खः ।
श्व ग्रन्थ नेपालवासी न्हाथेजाह्य मानवपिसं नं स्यूगु बाखें खः । गुलि
'वेस्सन्तर जातक'या प्रसिद्ध जू; उलि हे श्व ग्रन्थया नं प्रख्यात दु ।

नेपाले नेवा भाषां उल्लेख याना तःगु केवल ३२ (स्वीनिपु) जातक
जक धाइ, तर श्व खें छत्थुं विश्वास याय् थाय् मदु । प्यंगू असंख्य छगू
लाख कल्प न्हापा सुमेध तापसं भविष्यवाणी (कलियुगे) जि बुद्ध ज्वी
देमा धका दिपंकर भगवानया न्होने प्रार्थना याना अनेक जाति अनेक
योनी जन्म कया पारमी पुरे याना बिज्यागु बोधिसत्वावतार उलि मयाक
नेवा आखलं अङ्कित याना तःगु जातक माला धंगु ग्रन्थं प्रमाण या ।

गुलि मागधि भाषा बोधिसत्वावतार उपलब्ध जुया च्वंगु खः, उलि
हे नेवा आखलं नेपाले अवश्य दया च्वने मागु खः । परन्तु कीं नेपालवासी
नेवा ग्रन्थकारक आचार्यपिनि छु गथे जुया प्रचार यायगु समय अभाव
जुल जुड, छगू छगू ग्रन्थ स्वेत दं दं बिते जुया नं सिमधगु दु । उकि जक
सक्षिप्ट रूपं बोधिसत्वया नां बिया तःगु ज्वीमा । अवदान, ललित-
विस्तर जातकावलि आदि महायान बौद्ध साम्प्रदाय ग्रन्थे बोधिसत्वया नां
जक मु का स्वत धासा स्वीनिपु जातक स्वया नं अप्पो बोधिसत्व जन्म का
बिज्यागु अभिव्यक्त जू । गुलि मागधि (पालि) भाषां प्रचलित जुया च्वंगु
खः, उलि हे देमाः धंगु जिगु ध्येय खः ।

प्रकाशकीय


धुंयात ला छयना नकूहा महासत्व राजा व मडिचूड राजां वःगु छयने छंगु मणि दान बीत कःति फायकू घटनात ग्यने बने की आश्रयं चाः ।

बुद्ध उचीत.दान पारमी आदि पूर्ण मयासे मध्यु । धुंयात ला छयना नकूगु व मणिदान बीत छयने कःति फायकू बलेसिगु चित्त गुलित्त बःला थ्व विचारणीय जू । अध्ययन याम् बह जू । उकि हे छः धर्मकीति बौद्ध अध्ययन गोठीं थ्व सफू प्रकाशित यानागु । थ्व सफू बुद्धवती छंगु बोधिरत्न वप्राचार्य सम्पादन याना ग्नीन्यादं भाषा बुद्धवर्ष २४९७ स स्थानीय त्रिरत्न दान पात्र संघ पाखें पिकया तःगु छः । युकी भति भति संशोधन याना द्वितीय संस्करण याना पिकया छवना । थ्व धर्मकीति प्रकाशनया न्ये च्यागुगु सफूया रूपे पाठकपिनि न्होने ते छना धर्मकीति परिवारया लेता वो । थुगु मणिचूड जातक सफू छापे याय्त मासव आबिक सहयोग बिया बीह्य भी हेराकाजी उपासक दिल्ली बजारयात आपालं धन्यवाद बियां छवना ।

महासत्व राजा धुंयात ला छयना नकूगु व मणिचूड राजां मणि दान व्युगु नियु नं घटना बुद्ध जन्मसुमि नेशाले जूगु गोरबया खं छः ।

प्रूफ स्वया बिन्ध्याम्ह श्रद्धेय अश्रद्धोष मन्ते नं धन्यवादया पात्र जू ।

— धम्मवती



हेराकाजी राजकर्णिकार



Digitized by Sona

धर्मदान

फुक्क दान मध्ये धर्मदान तःधं धयागु न्यना
तयार्थे श्व त्याग चेतना बल्लागु बाखँ सफू
'मणिचूड जातक' छापे याना धर्मदान
यानागुलि दिवंगत माँ-बौपिन्त
निर्वाण सुख प्राप्त ज्वीमा
धका कामना यानाह्य

— हेराकाजी उपासक
डिल्लीबजार, हलवाई पसः
काठमाडौं, नेपाल

—:वर्तमान खँ:—

न्हापा श्रावस्ती नगरे अनाथ पिण्डिक सेठं दयका तगु जेतवन विहारे भगवान बुद्धया प्रभावं देव-दैत्य पिनि चित्ते धर्म चक्षु उत्पत्ति जुल । अले सभाषदे आनन्द भिक्षुं भगवान बुद्धया महान प्रभाव खना जिपिं सकलें आश्चर्य अद्भूत जुल । धन्य ! छलपोलया प्रभाव धका गुण वर्णना यात ।

अले आनन्द भिक्षुया थ्व खँ न्यनालि भगवान बुद्धं थथे आज्ञा जुया बिज्यात—

हे ! भिक्षु गर्णापिं छिपिं आश्चर्य चाय् मागु महु, आजक मखु जिगु थ्व प्रभाव न्हापा नं थथे हे आश्चर्य ज्वीक केना वय धुन, यदि छिमि न्यनेगु मनसुवा दुसा जिं कना हय, बांलाक ध्यान तया न्यों धया अतीत खँ कना बिज्यात ।

अतीत खँ

न्हापा साकेत देशे ★ साकेत राजां राज्य याना चर्वंगु बखते, लुच्चा, ज्यानमारा, छल-कपटी धीपिं महु । नयेगु, त्वनेगु आदि ले नं दुःख मजू ।

★ साकेत राजायाथाय् ब्रह्मदत्त राजा नं धया तगु दु । साकेत देश धीगु अयोध्या आइ, तर अयोध्या देशयात धीगु महु ।

२)

सकल प्रजापिन्त सुख व शान्ति बिया धर्मानुकुलं राज्य पालन याना च्वन ।

अले छन्हू राजाया गुह्य ख, अग्रमहेशी कान्ती मती महारानीया गर्भे बोधिसत्वं बास यात । गुखुनु बोधिसत्वं गर्भे बास यागु ख उखुनुनिसें गर्भिणी महारानीया धर्म चित्त उत्पत्ति जुल ।

अले थह् स्वामीया न्होने च्वना बिन्ती याना थथे धालः—

भो ! महाराज जिगु गर्भे महान कष्ट जुल उकिं जिगु मने दान बीगु अभिलाशा जुल । गथे धाःसा सुवर्ण द्वय च्वना दक्को फुकं सुवर्ण भिक्षु संघपिन्त व ब्राह्मण, याचकदिपिन्त दान-प्रदान याय धैगु मती जुल, धका मनया खँ वन ।

अले जुजुं थथे शुभ खँ न्यना महारानीया कामना यात हर्ष पूर्वकं सफल याना बिल । दानया प्रभावं छुं दिन तक महारानीया गर्भ मद्दुह्य थें च्वंक याउंसे च्वना क्रमशः; हानं न्हापा थेतुं ऊयातुया वल । देवं पुन थथे मने ल्वीकल, 'सुवर्ण-सिंहासने' च्वना छक धर्मो पदेश बीदुसा गुलि ज्यू खई, धैगु मती तया छन्हू राजा याके निवेदना यात ।

भो ! प्रभू महाराज आः हानं जित छगू थथे मती

जुल कि, सुवर्ण सिंहासने, च्वना प्रजा लोकपिन्त धर्म
कथा न्यंकेगु मनोकांक्षा जुल । कृपया जित अनुकम्पा
तसे धर्मोपदेश याका बिज्याहूँ, धका याचना यात ।

अले रानीया श्वः खँ न्यना राजा अद्भूत चाया
ज्योतिषयात सःता रानीया मनोभाव वृतान्त न्यंकल ।
ज्योतिषं नं गर्भिणी महारानीया मनोभाव यात यथार्थ
सीका धाल-

‘महाराज ! कान्तीमती रानी नं इच्छा यागु मेगु
कारणं मखु, रानीया गर्भे दान बीगुलि अघाय् मज्जीह्य
‘प्रभावशालिह्य दानवीर बालखँ बास कागु दु । थुकी
महाराजं कान्तीमती रानीया मनसुवायात पुरे थाना
बिज्याहूँ धका धाल ।

अले जुजुं ज्योतिषया खँ न्यना अत्यन्त हर्षमान
जुया रानीया इच्छा सुताबिक पूर्ण याय्त मन्त्रीयात
सःता थथे धाल ।

भो ! मन्त्री थौं कान्तीमती महारानीयात सुवर्ण
सिंहासने तथा धर्म व्याख्यान याकेगु जुल । उकिं
‘सिंहासन, राजंगने तयका, नगरे घण्टा घोषण याके
छो धका धाल । अले मन्त्रीं राजाया खँ शिरोपर
याना नाय् तय्त नगरे घोषणा याके छोट ।

नाय्त नं गीं गामे, त्वा-त्वाले, ननिचा पतिकं वना

४)

घोषणा यात- भो प्रजा गणपि ! थौं की अग्र महारानी
राज्य सिंहासने विराजमान जुया धर्मोपदेश बीगु जुया
चवन, उकिं धर्म प्रेमी सकल सज्जन, सज्जनीपि राज
दबारे वय् माल ।

अले नगरवासी नर-नारीपि कान्तीमती महा-
रानीया व्याख्यान न्यनेत मिसा-मिजं आदिं थ्वचा थ्वचा
मुना हर्षं राजंगने वल ।

महारानीया नाना प्रकारया तिसा वसतं पुना
हिरा-मोती मालां कोखाया दरबारं प्याहाँ वया सुवर्ण
सिंहासने स्वचाः हुला पुचः मुना च्वंपि प्रजा परि-
षद खना मने अतिकं स्वां होय्का आसने च्वना
बिज्यात । अध्ययन याना मतसां 'गर्भ वासी बोधिस-
त्वया प्रभावं, गाथा द्वारा महारानीं दशांकुसल पापं
बचे ज्वीगु देशना याना बिज्यात ।

श्लोकः- 'कायकं त्रिविदं पापं वाचकं चतुर्विदं

मानसं त्रि प्रकारेण तत्सर्वो देशयाम्यहं ।,

अर्थः—

कायं याइगु पाप स्वताः- जीवहिं सायाय्गु, खुया
काय्गु, परस्त्री सेवन याय्गुयात धाई ।

वाकं याइगु प्यताः- ऊठ खँ ल्हायगु, चुगली खँ

ल्हाना ज्वीगु, कठोर वचन ल्हाय्गु, फज्जुल खँ ल्हाय्गु-
यात धाई ।

मनं याइगु स्वताः— परया धन-द्रव्ये लोभ लालची
तया ज्वीगु । परयात सी मा, स्यनेमा विनाश ज्वीमा
धका द्वेष भाव तथा ज्वीगु ।

न बीगुया फल, न दानया फल न पूजा यानागुया
फल दु, न मान सत्कार यानागुया फल दु । न भि-
मिभिया कर्म फल दु । न इहलोक दु, न परलोक दु ।
न मां दु, । न बौ दु । न सिना वनालि हानं जन्म ज्वीपिं
सत्त्वपिं दु धका मखुगु दृष्टि तथा च्वनेगुयात धाई ।

मणिचूडया जन्म

धनंलि कान्तीमती रानीया गर्भ याउँल, क्रमानु-
कालं झिला नं पूर्णं जुल । जुसेली महारानीं अती
तेजस्वीह्य, प्रभाव शालीह्य, सुन्दर बालख अभ्युदय
यात । बालखया शिरस मानो सूर्य समानगु रश्मि
प्रकाश दुगु मणिरत्न नं उत्पत्ति जुया च्वन, ध्व
मणिरत्नया किरण राज बर्बरें प्याहाँ बना साकेत नगर
छगुलिं जाज्वल्यमान जुया नगरवासी नर-नारीपिं
सूर्योदय जुल धका कालाकुलुं ह्यहाँ वन । आकासे
नं देवकर्मिं वया नाना प्रकृत्या स्वर्ग वा लोका ह्यन ।

६)

राजकुमार जन्म जूसांनिसैं दुभिक्षादि नं तना वन,
जनतापिनि मने नं अत्यन्त हर्ष जुल ।

मणिया लक्षण

रोगीपिन्त मणि जल त्वंका बीवं रोग शान्त
ज्वीगु । मिखाँ मखंपिन्त मणि थीका बीवं खनीगु ।

दुभिक्षादि जूसा मणि जलं सकबनं हाःहाः याय्वं
सुभिक्ष ज्वीगु ।

द्रव्यादि वस्तुले स्पर्श व जल हाःहाः याय्वं धन
सम्पति उत्पन्न ज्वीगु, एवं प्रकारं बालखया शिरे
सर्वलक्षणं युक्तगु मणि उत्पन्न जूगुलिं साकेत नगरे
अनेक प्रकारया भय दुःख हरण जुया वन ।

थनंलि व मचायात नां छवीत पुरोहित-अमात्यादि
(मन्त्रीपित) सःता छु धका नां तय् योग्य ज्वी धका
न्यन ? अले सुबाहु मन्त्रीं महाराज ! थ्व कुमारयात
ला 'मणिचूड कुमार' धका नां तय् योग्य जू धका
प्रस्ताव तल । थ्वहे प्रस्तावयात सकलसिनं समर्थन
यात, जुजुं नं सबं सम्मतिं पास जूगु नां तय् मा धका
कुमारयात मणिचूड कुमार धका नां प्रसिद्ध यात ।

क्रमशः व मचा न्हिया न्हियं तःधिक जुजुं न्यादेंया
उमेरे छह्य योग्यह्य गुरुया ल्हाते लः ल्हाना विद्या

अध्ययन याकल, विद्या अध्ययन यायां सर्वाङ्ग शास्त्रं
निपुण जुल । अले व मचां देशया लागी व जनताया
लागी हित-सुख याय्त बरोबर करुणादृष्टि गथे याःसा
प्रजापिन्त सुख व शान्ति स्थापना ज्वी धैगु मने
तया च्वन ।

छन्हु व कुमारया शुभ चरित्र खना बौहसिन्
थथे मती तल । आः ला जि काय् मणिचूडया राज्य
चले याना यंकेगु शक्ति वत । जि आ बुढा नं जुल,
शरीर नं आपालं श्वाथ ज्वी धुंकल, राज्य भोग याना
च्वनेगु अवस्था मखुत, धका चिन्तना याना छन्हु
मणिचूड कुमारयात सर्वाङ्ग राज्य लः लहाना अभियेक
बिया तपोवन प्रस्थान याना बिज्यात ।

थनंलि मणिचूड राजां धर्मानुकूलं न्याय नीति पुरे
याना प्रजागणपिन्त अनेक प्रकारं सुख व शान्ति बिया
प्रतिपाल याना राज्य चले याना च्वन । राजाया अतिव
प्रेमपिं भद्रगिरि किसि छम्ह व न्हिछिया १०० गू योजन
व्वाहाँ वने फुपिं सल-किसि नं दु ।

पद्मावती जन्म

छन्हु हे समय भार्गव योत्र भवभूति, धैर्य प्रदी
हिमालयया अङ्गकोले जन्म पर्यन्त गुणवत् प्रजापति

८)

याना चवन । छम्ह व ऋषी पर्वतया जोले स्वयं धका
आश्रमं दना प्याहाँ वन । अन अनेक प्रकारया वृक्ष-
लताय् किसिम किसिमया स्वाँ ह्वया सुशोभित जुया
चवंगु व पुखुली दोलछि हः प्याहाँ वया पले स्वाँ ह्वया
चवंगु द्योने सर्व लक्षणं युक्तह्य सौन्दर्यशालीह्य कन्या
छम्ह खन । अले उम्ह बालिकायात काय्गु इच्छां
पुखुली क्वाहाँ वना मचायात तीजक कया पलिहलं
त्वपुया हर्षपूर्वकं थःगु आश्रमे यंका धर्मपुत्री भाःपाः
स्याहार-सम्भार याना प्रतिपाल याना तल । छुं दिन
दय्का ऋषीं मचायात 'पद्मावती' धका नाँ तल । क्रमश
व मचा तःधिक जुया वल । रूप नं कंकं बाँलाना शुक्ल
पक्षया चन्द्रमा थें न्हियाँन्हि यौवन जाया वल । पद्मा-
वतीया यौवन जाया वःगुलिं भवभूति ऋषीं मणिचूड
राजायात विवाह याना बी योग्य जू धका उम्ह युवती-
यात नापं ब्वना साकेत नगरे वना राजा मणिचूडयात
थये धाल :-

भो ! प्रतापि महाराजा छपिन्त अत्यन्त लोम्ह रूप
सम्पन्नह्य कन्या छह्य दान बीत हया तया, छपिसं कृपा
तसे ग्रहण याना बिज्याहुँ धका राजाया ह्लाती लःह्लाना
बिस, रक्कां वं उह्य सौन्दर्य परिपूर्ण जुया च्वाँह्य
युवतीयात स्वीकार याना अहम्हासनी वल ।

थनंलि ऋषीश्वरया प्रति श्रद्धा उत्पन्न याना राजां
धालः—

भो ! ऋषी मुनि आःजिके छु फोनेगु इच्छा दु, व
फोना बिज्याहूँ, जि बिइ धका धाल ।

अले जुषुया थये खँ न्यना ऋषीश्वरं फोन— महा-
सज ! मेगु ला छुं जित अपाय्चवकं आवश्यकता ला
मकु, केवन्न जित पुण्य छता जक परमावश्यक जुयाचवन ।
यदि छपिसं बिया बिज्याय्गु जूसा थ्व फोनागु बिया
बिज्याहूँ धका धाल ।

अले राजा मणिचूडया गय् याय् गय् याय् जुया
ऋषीश्वरयात थये आज्ञा जुल ।

भो ! ऋषीश्वर थमं याको पुण्य थःत दइगु खः
मेपिसं यागु पुण्य दयकेत थाकु । एनं जि यात धाःसा
याको दानादि पुण्यया भाग छपिन्त नं बीगु जुल ।
थुकी निश्चित जुया बिज्याहूँ, धका विदा बिया छोट ।

ऋषीश्वरया नं मने तया थःगु आश्रमेसं ल्याहाँ बना
मागु ध्यान भावना याना चवन । तदनंतर पद्मावतीया
गर्भं नं दंत । किला पूर्ण ज्वीवं कामदेव समानह्य सुन्दर
बालिख छह्य नं जन्म जुल, अले व मचायात माँया पाखें
पद्मोत्तर राजकुमार धका नाँ छुत ।

देवसभा

थनंलि राजा मणिचूडं पूर्णिमाया दिवसे अमा-
 त्यादि सकल राजकुमारपिन्त सःता धर्मया विषये
 छलफल याना चवन । थुगुहे बखते चतुर्दिशाया राजा
 धृतराष्ट्र, विरुद्धक, विरूपाक्ष, वंसवन, प्यह्य थुपिं दिग्-
 पाल राजापिं मक्ष मण्डलस चाह्युह्युं साकेत नगरे
 थ्यंक वल । उगु बखते राजा मणिचूडया प्रभावं अमित
 मार्ग बन्ध जुल । अले मार्ग बन्ध जूगुया कारणं दिग्पाल
 पिसं ज्योतिष्पथं कोस्वल, राजा मणिचूडं धर्माभ्यास
 याना चवंगु खना अनं तुं प्यह्य दिग्पाल ल्याहाँ वना
 'देवराज इन्द्र' यात वृत्तान्त समाचार प्वंकल ।

अनंलि शक्रदेव राजां नं थःगु देव भुवने सकल
 देवगणपिन्त समुह याना अनुशासना बिल - भो !
 देवपुत्रपिं मक्ष मण्डले दयावान महाप्रतापि मणिचूड
 राजां दान धर्म याना अमरावती भुवन निश्चय नं प्राप्त
 याना काइगु जुल । आः छु छु जक विघ्न प्याहाँ वइथें
 धका हाला चवंक चवंकं मणिचूडं लोक देवसभास
 जाज्वल्य मान जुल । तर व आलोक गुह्यसिके वःगु छः
 निश्चय सुं देवतां नं याय्मफु । परिणामे चतुर्मुख ब्रह्मा
 परिषद् मध्ये वया थये धाल-

हे कौशिक, समस्त प्राणी उद्धार याना स्वर्ग लोके
चयत तत्पर जुया च्वंहा गुह्य खः महाराजायात संहार
याय योग्य जुल धका धया वन ।

निरंगद योग चिन्तना

थनंलि मणिचूड राजा उखुनुया रात्रीसं निरंगद
योग याय धका मने तथा पुरोहित शादिल्य ब्राह्मण ब
मन्त्रीयात सःता मनयागु खँ कना उपाध्याय याके
स्यन ?

अले उपाध्याय ब्राह्मणं जुजुयात साहस बिया थये
धाल, महाराज इमिसं मने भाप्युगुखँ बडो उत्तमगु कार्य
खः । जि थुकी साप हे हर्ष दु । महाराजां थुकी विधि-
विधान पूर्ण याना शास्त्रानुकूलं यात धासा लुँ, वह,
हिरामोती, सल-किसी रथ वस्त्र अन्न लासा फांगा
आदि सविन्यानक अबिज्ञानक वस्तु मा धका ब्यख्या
याना धाल ।

अले जुजुं श्व खँ न्यनालि मन्त्रीयात आज्ञा बिल-
सुबाहू ! उपाध्यायनं छु छु सामग्री मा धागु खः व
फुक्क सकतां तैयार याना दानशाला छगू नं दय्कि धका
नियोजित यात ।

न्याम्ह ब्राम्हणं पवंगु न्याता वस्तु

जब दान पायगु मती तल अनंलि न्याह्य ब्राह्मण वया मणिचूड राजायाके न्याता रंगया खँ कना धन फोन ।

प्रथम ब्राह्मणं- 'भो ! महाराज, जि ह्याय्मवा छह्य दु आः व ल्यासे जुल । पेहनं बिया छ्वेत जिके धन मद्दु, जि सापहे दरीद्र, उकिं छल्पोल्याके धन भतिचा फों वया कृपा तसे बिया बिज्याहुँ धका याचना यात ।

दुतिय ब्राह्मणं- महाराज जित व्याधि (रोग) कया चवन, वास याय्त ध्यबा भचा माल । अनुकम्पा तसे बिया बिज्याहुँ धका धाल ।

तृतीय ब्राह्मणं- भो ! महाराज, जि याक काय् छम्ह दु, धन कयना जि काय्यात, साहुँ विना यंकत्त आः व पुत्रयात लिफयाय्त धन माल । कृपा धन तसे जित भचा बिया बिज्याहुँ धका फोन ।

चतुर्थ ब्राह्मणं- भो ! महाराज, प्रतिव्रता धर्म चवना चवंम्ह जिम्ह मिसा खुं खुया यन आ व मिसा लिफयाना ह्य् माल । जि धाःसा निर्धनम्ह, उकिं जित नं धन भतिचा अनुकम्पा तसे बिया बिज्याहुँ धका फोन ।

पञ्चम ब्राह्मणं— भो ! प्रभू महाराज, जिसे शरीर
ज्याध जुल, पंच इन्द्रिय दुर्बल जुल, कमाय याना नयगु
समर्थ मन्त । उकिं जीवन निर्वाह यायत धन मचा फों
वया, दया तसे जित बिया बिज्याहुँ धका याचना यात ।

अले मणिचूड राजां थुपिं न्याहासियागु दुःखया
खँ न्यना नुगलं सहयाय मफया स्वर खाखा तुयका हि
हे तमं खोल ।

जुजु विलाप थागु खना ब्राह्मणपिसं छाया खोया
बिज्यानागु ? छु जिमित धन बी माला खवया बिज्यानागु
लाः ? धका न्यत ।

अले मणिचूड राजां उत्तर बिल । ब्राह्मण !
छिमित धन बी माला खवयागु मखु कारण थव कि
छिमिगु महादुःखःया खँ न्यना हृदयं सह यानां सह
याय मफेक नुग खुलुलुलु मिना वल उकिं जि खवयागु ।
छिमित गुलि धनया आवश्यकः, उलि धन जोनाहुँ,
धका न्याहासित गाक्क धन सम्पति बिया सन्तोष
पूर्दकं छोस ।

दान काण्ड

थनंति मन्त्रीं मगु सम्राट व दानशास्त्रा संयत्तर
कीज जुहु माह निवेदन यात— महाराज पुरोहितकी सेवा

बिज्यागु फुकं तैयार जुल । अले अयोध्या नगरया
 राजा दुर्खेसह (दुर्पसह) सहित सकल राज महामात्यपि
 व श्रमण-ब्राह्मण-याचकादिपिन्त सूचिपत्र छोट । सूचि-
 पत्रया अनुसारं यथा समय निरंगद कार्यस, सह भागी
 जूवल । वीपि सकल राज-अमात्यपिन्त पिशेष स्वागत
 याना आश्वासन बिया, पद्मावती नापं यज्ञशालाय
 वनालि ब्रह्मरथ पुरोहितं शास्त्रानुकूलं यज्ञ याका
 धाधाः पिन्त धाः धाःगु धन-द्रव्य बिया न्यीन्हु तक्क
 दान-प्रदान याना च्वन ।

भेषधारी राक्षस

अले दानया प्रभावं शक्रदेवया आसन क्याना वल,
 ईन्द्र सुमुक च्वने मफुत । मफुसेलि राजाया दानबीगु
 इच्छा परिक्षा याय् धका न्यीछन्हुया प्रभात काले अम-
 रापुरं क्वाहाँ क्या महा भयानक राक्षस भेष क्या
 आहुती अग्निकुण्डले, जाज्वल्य ज्वीक प्रकट जुया
 राजाया खा स्वया मे चुलु-चुलु पिकया म्हुतु वाँ वाँ
 खाया हटटट न्हिला अतिघोर मूर्ति क्यान । राक्षसया
 विरूप खा जनतापिसं खना भयभित्त जुया मिखा भ्वे
 भ्वे कं कं चतुर्दिशाय् बिस्सुं वन । राक्षस नं जुजुया
 सम्मुले क्याना ह्लाः बो बो स्याना हे ! दानवीर भजि-

चूड राजा, जि साप तापागु देशं छपिन्थाय् वयागु मेगु कारणं मखु । ताकालं दत जित आहार प्राप्त मज्जुगु प्यासं अत्यन्त पीडा जुया चवन । प्यास मदेकेया लागी जित लुबंक आहार बिया बिज्याहूँ धका फोन ।

अले जुजुं राक्षसया खँ न्यना कर्मचारीपिन्त सःता आज्ञा जुल । थव वया चवंहा राक्षसयात सच्छि व न्येफा (१५०) जाकिया जा थुया सागपात तरकारी दय्का इच्छापूर्ण जुइक नकि धका धयालि राक्षसयात धैर्यता बिया बिज्यात । क्रमशः कर्मचारीपिसं नं जुजुं धाथे तैयार याना राक्षसया सम्मुखे द्वोचिक जा तरकारी तया बिल । राक्षसया चित्त बुके मजू ।

मज्जुसेलि मणिचूड राजायात धाल- महाराज, जि ला मांसाहारी अन्न भोजनं सन्तोष मजू । मांस भक्षण व्याघ्रयात तृण न्होने तया बीवं सन्तोष जुइला ? यदि छपिसं धाःधाःपिन्त धाःधाःगु नकेगु प्रतिज्ञा यानागु खःसा ला, हि तया सन्तोष जुइक नकि, मखुसा छंगु प्रतिज्ञा भङ्ग जुई । नके धया ला कि बिवा बी धया ? मफुसा मफु धा ! जि थनंतुं निराश जुया वने धका धाल ।

राक्षसया थथे कटु वचन न्यना जुजुया मने ताव जुल, हाः ! जित गजागु संकष्ट जूवल । बिना मांसं थव सन्तोष जुई नज्जुल, मांस खाया प्रीणी जत्थानं वेगु

मखु । आ जि गथे याःसा हिंसां बचे जुया वयात सन्तोष
याना छ्वे धंगु मती ल्वीका च्वन । राक्षसं धाःसा
आपालं बिलम्ब याय्मते, नकेगु जूसा याकनं नकि धका
तिंति न्हुया महाशब्द पिकया च्वन । उगु हे समय देव-
दैत्यपिनि महा संग्रामं आपालं प्राणीपिं मृत्यु जुया वंगु
जुजुया फसक्क लुमन । अले मृत्युया ला हया राक्षसया
न्होने तया बिल । तया बीवं फन तंमोय्का आपा ख्या
याना च्वने मते, सीकया मांस गबलें भक्षण मयाना,
नकेगु जूसा क्वाक्वाः ला क्वाक्वाः हि नकि, मखुसा
जिगु प्राण थनसं त्याग जुई । महान पुण्य कार्य याय्
धका प्रतिज्ञा ला यात, यदि प्रतिज्ञा सफल याय् धंगु
सत्य खःसा न्ह्यागु उपाय याना सां सद्य-मांस नकि ।
दिलम्ब याय् मते, नेपित्यागुलि मृत्यु जुइन मृत्यु जुइ
न्हो मांस-लोहित लुदंक नकि ।

राक्षसया लागी देह त्याग

थनंलि मणिचूड राजां राक्षसया लागी देह त्याग
याय्त चिन्तना यात क्वे नं खः गोया सेंप्वाय्, ला-हि,
चित्ति, ह्ति, खइ नं लेपन याना तःगु अपवित्र देहया छु
माय्त तया च्वने । छन्हु अवश्य त्पता क्मे मान्ति, क्षण-
भय्या शरीर खः । तन्मक सन्बोधि शान्ति प्राप्त याय्त

विना बुष्करवर्या मयाकं सफल जुइगु अवश्य मखु । उकिं छं प्रतिज्ञा पूर्ण याय्गु ध्येय दुसा मूत्रादि अपवित्रं सम्पादन याना तःगु शरीरया माया कया चवने मते । देह नं सफल जुइगु, प्रतिज्ञा नं पूर्ण जुइगु देव-मनुष्यपिनि बिचे उपहास मजुइगु कथं सो । यदि छ परि-पूरक जुइगु खः सा आः हे खः धका मनयात निश्चिन्त रूपं बोध याना राक्षसयात धाल-

हे सुमित्र राक्षस ! छ निराश जुई मतेनि । छंगु इच्छा पूर्ति याय्त व जिगु प्रतिज्ञा पूर्ण याय्त जिगु थ्व शरीर संकल्प याय् धुन । भतिचा विलम्ब जुल धका तें चाय् मते, अवश्य भक्षण याकेगु जुल धका भरोसा बिया नाय् सतके छोट । नाय् नं राजाया आज्ञायात शिरोपर याना राजाया न्होने वया बित्ति याना चवन । अले राजां आज्ञा जुल- हे साही, जिगु गपते अधिक हि वइगु हिनु लिकया थ्व चबना चवंम्ह राक्षसया म्हुतुई तया फुदंक हि त्वंकि धका आज्ञा जुइवं नाय्या हृदय भाराभारा मिका ह्ला-तुति थररर खाका धाल-

भो ! प्रतापि धर्मात्मा राजा, जित थ्व आज्ञा छता बिया बिज्याय् मते । छल्पोल थेंयाह्य राजायात घातक याय् वं जित समस्त लोकं छु धाइगु ? हानं जि नरकं वंही धवं वाली मखु, कृपया जित जंनुकण्या तसे

श्व छता ज्या याका बिज्याय् मते, धका क्षमा याचना
यात । अले मणिचूड राजा नाय् पाखें निराशा जुया
थः थमं तुं तरबार कया प्रहार याय्त तरबार ल्हन ।
ल्हनेवं पृथ्वी कम्पमान जुल । आकाशे देव-गन्धर्वपिं
वया स्वया च्वन । प्रजागणपिं नं दुःख माने यात ।
पद्मोत्तर राजकुमार व पद्मावती रानी राजाया तुति
ज्वना विलाप यासे निहसिनं शोक प्रकट याना धाल-

पद्मोत्तर व पद्मावतीया शोक

पद्मोत्तरं-“भो बुबा, शरीर घातक याना बिज्याय्
मते, आमथे याना बिज्याय्वं जिपिं छु गति जुइगु व थें
राज्य सुनां पालन याई । छपिं मदेवं प्रजागणपिनि छु
हालत जुइ थें, बुबा प्रजापिनिगु नं खवा स्वया बिज्याहुँ”
धका निवेदन यात ।

पद्मावतीं-“हे नाथ ! प्रभू स्वामी, जि अबला मिसा
जातियात छु याना थके त्यनागु श्व नुगलं सह याय्
मफुत । हे नाथ प्रभू ! छपिं मदेका गथे जि श्व राज्ये
म्वाना च्वनेगु, संसारे मिसा जातिपिन्त स्वामी मदेका
म्वाना च्वनेगु छुं प्रयोजन मडु । प्रभू स्वामी, श्व राक्षसं
कीगु महान कार्य ध्वंस याय्त वोगु खः, प्राण हत्या याना
बिज्याय् मते । यदि छपिसं प्राण घातक यान् धाःसा

आहुती बबबवाना जि नं प्राण त्याग याय्, प्राणनाथ !
आमथे छता याना बिज्याय् मते ।”

अले थुधि निम्हसियागु शोकयात शान्त याय्या
कारणे मणिचूड राजां उपदेश बिल—

प्रिय ! पद्मावती, छं हथ्या छता याय् मते, संसारे
जन्म जुक्को प्राणी छन्हु मरण जुई मानी, अबले प्रिय
नापं व अप्रिय नाप नं विछोड जुइतिनि । थौं जि अनु-
त्तर संम्यक सम्बोधि ज्ञानया लागी अर्पित याय् धुन,
छिमिसं जिगु महान दान कार्यसं विलाप याना विघ्न
बाधा याय् मत्य धका निहसितं धैर्यं बिया थःगु कक्वी
थमं तुं किया राक्षसया म्हुतुई हिया धाः लाका फुदंक
हि त्वंका लिपा ला समेतं नकल । जब राजाया शरीरे
ला, हि मदेवं अति वेदनां मुछित जुल । कवं शरीर
खना प्रजागणपिनि नुगः मँछिका मिखां खोबि सोसो
पिकाल । उखुनुया दिने सारा नगरवासीपिनि ह्वावास
हे जक जुया च्वन । महारानी नं सँ फँफँ तया छचने व
नुगले दादां कवं शरीरयात घेपुना हाय हाय स्वामी प्रभू,
अबला जि मिसायात अनाथ याना बिज्याइन । भो
प्राण ! जि बुबा भवभूति ऋषीश्वरयाके छु प्रतिज्ञा
याना बिज्याना, थुलि जित जुइगु म्हगसे हे मखं, आः
जि सुया भरे च्वने । दिशा-बिदिशा नं मँसिल । मन बने

गन चवने वने थास मदु, आः थ्वहे उज्ज्वलगु आहुती
 क्वब्बाना वने धका विलाप याना च्वंगु सलं मुद्धित जूम्ह
 राजाया न्ह्यलं चाम्हथें जुया होशे वेवं बुलुहुँ दना राक्षस
 यात सन्तोष जुल ला मज्जनि ला धका मने तथा 'जिगु
 थ्व अब्रशेष कवं शरीर नं भक्षण या' धका सम्पूर्ण देह
 त्याग याना राक्षसया न्ह्योने च्वना बिल ।

अले राक्षसं राजायात नुना छ्वे थें याना काचाक्क
 घेपुना— महाराज ! जि राक्षस मखु । छंगु दान पारमी
 परीक्षा याय्त भेषधारी जुया वया । जि देवराज इन्द्र
 खः, छंगु दान पारमीया परीक्षा याय् धुन । छ खना
 अति हे सन्तोष जुल आः छं जिके छु फोनेगु इच्छा दु
 पवं धका धाल ।

अले मणिचूड राजां देवेन्द्रया थथे खँ न्यना सम्बो-
 धन याना धाल—

हे कौशिक, जित स्वर्गलोक, ब्रह्मलोकया इच्छा
 मदु, हानं चक्रवर्ति राजा जुया सुख विलासया नं इच्छा
 मदु । केवल जित ला जगत प्राणी उद्धार याना 'सम्यक
 सम्बोधि ज्ञान' प्राप्त याना निर्वाण पद लायगु छता
 जक प्रार्थनां दान यानागु खः । थ्व दानया प्रभावं
 अनुत्तर ज्ञान प्राप्त जुइमाल धका फोन ।

अले देवराज इन्द्रं बीफुगु थ्व मखु, आः जि छु बी

धका विचार याना 'सद्योवर' धंगु वासः मणिचूड
 राजाया शरीरे बुला धर्मानुशासन याना थःगु भुवनेसं
 शक्र ल्याहाँ वन । क्रमशः बोधिसत्वया दान-पारमीं व
 इन्द्रानुभावं ह्लापा स्वया बुगंछि ला-हि बढे जुया हृष्ट
 पुष्ट जुल । स्वया च्चंपि परिषद्विपि नं आश्रयं चासा
 च्चन ।

सल-किसि दान

अर्चलि निरंगदशालां प्याहाँ वया असंख्य याचक-
 पिन्त धन-द्रव्य व्युब्युं परिणामे प्रियपि सल-किसि नं
 ब्रह्मरथ पुरोहितयात दान बिल । पुरोहितयात व्युगु
 दुर्खेसह राजाया नुगलं सह याय् मक्या मणिचूड राजाया
 प्रति द्वेष भाव तया छाय् छःपिसं पुरोहितयात सल-
 किसि दान याना । वयात उकिं छुं प्रयोजन ज्वी मखु ।
 वयात बीगु स्वया जित व्युगु जूसा गुलि ज्युगु खई
 धका धाल ।

अले मणिचूड राजां दुर्खे तह राजायात नाइक तुं
 सम्बोधन याना धाल-भो ! मित्र राजन, सल-किसि
 ब्राह्मणयात बियागु मेगु छुं मखु, वं आसा याना च्चन
 उकिं वयागु आसासत पूर्ण याना बिया, आ जिगु
 मन्नेस्य वं पूर्ण याना बिया, आसासत पूर्ण याना बिया, आ जिगु

चलन मद्दु, जिं बियागु जिं तुं लिफ्याना कायवं जिगु
दानया फल महत्वपूर्ण ज्वीमखु । थुकी शान्त जुया
बिज्याहुँ धका घाल ।

थुलि धया भवभूति ऋषियात आमंत्रित याना जि
याको दान पुण्यया भाग स्वीकृत याना बिज्याहुँ धका
धया पुण्यानुमोदन याना बिल । अले भवभूति ऋषि
हर्षित जुया राजायात कल्याण ज्वीमा धका आशिर्वाद
बिया थगु आश्रमेसं ल्याहाँ वना मागु भावनादि याना
चवन । जुजुया नं मागु कार्य सीधेका राजदबारि बिज्या-
यत् थिक्क जुल ।

पुत्र व भार्या दान

थुगु हे बखतेसं वाहिक ऋषि छह्य वया मणिबूड
राजायात- भो ! दानवीर छपिनी प्रिय पुत्र प्रिय भार्या
फोनेया लागी वया जिह्य आचार्य्य मारिचि जित चतु-
र्वेद स्यना बिल, आः गुरु दक्षिणाया लागी पद्मावती व
पद्मोत्तर राजकुमार फोना चवन, कृपया सन्तोष पूर्वकं
बिया बिज्याहुँ धका फोन । जब वाहिक ऋषीं थुलि
याचना याय्वं राजाया मने छुयाय्.गेयाय् जुया द्यौ
पलख काय् व कलाया खवा स्वया विनां जि मदेकं
थुमियु प्राण रक्षा ज्वी भानु आ गय् याःला जी धका

मने ल्वीका च्वन । अले पद्यावतीं जुजुया मनोभाव
सीका धाल -

भो ! प्रभुस्वामी जिपिं माचाद्धिया कारणं निश्चिन्त
जुया बिज्याहुं, छपिनि दान पारमि पुरे याना बिज्याय्गु
जूसा व ज्या थुह्य ब्राह्मणयात लः ल्हाना बिज्याहुं ।
थुकी जिपिं प्रसन्न जू धका आश्वासन बिल । आश्वासन
बीवं राजाया मने स्वां होय्का, ब्राह्मणयात न्होने तया
जब लहातं सुवर्ण कलस ज्वना खव लहातं पुत्र व भाय्या
ज्वना हामो, कूश, ध्यबा तया स्वस्ति वाक्य ब्वंका
ब्राह्मणयात लः ल्हाना बिल, लः लहाय्वं खुता प्रकारं
पृथ्वी कम्प जुल । देव गन्धर्व मनुष्यादिपिनि नं महा
कल्लोल शब्द प्याहां बल । अले वाहिक ऋषीं निहासितं
का नु आः छिपिं जिह्य दास-दासी जुल जिगु सेवा या
धका लहा ज्वनासाल, सालेवं पद्यावतीया नुग खुलुलुलु
मिना तज्याई थें च्वन । हरे, आः जि प्रिय स्वामियात
गथे त्वता वने । धिक्कार थ्वः जिगु कर्म स्वामी नाप
बिछुद ज्वीका वने माल । आः जि गबले जक खा
खनी थें जित धासा स्वामीया खा स्वयगु मगानि, धा
धांः हिहि लंलं विलाप याना ऋषिश्चरयात थथे धाल-
भो ! ऋषिश्चर, जि स्वामी महाराजाया खा थों वन्दु
जिने, ज्वीगु, ज्वीगु, अथेव्द कारणे थों वन्दु वन्दु वन्दु

कन्हे जक वने मजीला धका बिनित्ति यात । तर वाहिक ऋषी माने मजू, मजुसेलि राजायाके बिदा कया खवखेँ ऋषी नापं मारिची ऋषीश्वरयाथाय् वन । वना उहा ऋषीश्वरया खँयात शिरोपर याना दास-दासी थें ज्या याना च्वन ।

मणिचूड राजाया नं थमं निमन्त्रण याना तयापिं राज अमात्यपिन्त हिरण्य आदि बिया मर्यादा तया सकलयात बिदाबादि बिया थगु राज दबरि ल्याहां बिज्यात ।

सल-किसि दानया युद्ध

दुर्खेसह राजा नं थगु देशे वना थहा मन्त्री नापं सल्ला याना सल-किसिया विषये युद्ध याय्त साकेत नगरया राजा मणिचूडयाथाय् दूत छोट । दूत वनालि राजा सहित मन्त्री मण्डले थथे धाल ।

ओ ! दानपति महाराज, दुर्खेसह राजां॥ आज्ञा बिया हल कि, वस्पोल नापं मित्रता दुसा सल-किसि ब्राह्मणयाके कया दुर्खेसह राजायात बिया बिज्याहुं, मखुसा युद्ध याना किसि सहित देश कब्जा याना काइगु जुस । का महाराज युकी छु लिसः बीगु छः, बिया बिज्याहुं, सल-किसि बीगु ला युद्ध याना बिज्यायगु

याकनं प्रत्युत्तरं व्यु जि वना बहे मुताबिकं धाय् धका
 धाल । अले सुबाहू मन्त्रीया क्रोधं प्याहं वल, अरे दूत
 छिमि जुजुया ल्वाय्गु गुलि शक्ति दु । उलि शक्ति
 बल्लाका वा धा, मखुसा दूर देशे विस्वुं वना च्चने
 माली धका धया व्यु हँ धका छोट । अले दूत वना
 जगु खँ वृत्तान्त दुखँसह राजायात कन । थुले सुबाहू
 मन्त्रीं दूतयात धया छ्वेवं मणिचूड राजां आशा बुल -
 हे मन्त्री, दुखँसह राजाया उपरे क्रोधं पिकया ल्वाय्गु
 खँ ल्हाय मते । ल्वात धायबं धुं नं फू, गुं नं फू धयँ
 निखँ धवंस जुई, आपा च्चने दुगु ध्व संसार मखु । छाय्
 स्वासां स्वासां संग्राम याना च्चनेगु, बरु छं धाय् धासां
 दान बीधुं सल-किसि लितकाय् मखु धाःसा गुलिज्युगु
 धका उपदेश बिल ।

उले अयोध्या नगरे नं दुखँसह राजा तँमोयका
 लडाई याहे याय् धका मागु युद्ध सामान तँवार याना
 युद्धसेनापिं मुंका साकेत नगरया पिने छ्वाखेरं घेरा
 बिया च्चन । राजा मणिचूड नं प्रासादया बुर्जा कोस्व-
 बले नगरया पिने छ्वाखेरं सेनापिं खन । अले सुबाहू
 मन्त्री याके हँ देशया पिने सेनात छाय् च्चना च्चंगु
 धका न्यन । न्यनेवं मन्त्रीं धाल । महाराज कीपि नापं
 धका लागीं यथा च्चंगु, धाः जित्त अमुबस बिया

बिज्याहूँ, अर्षि नापं ल्वायत जि वनालि अमि दक्को
 योधा तयत् खड्गं चकनाचूर ज्वीक मोचन याना दुखे-
 सह राजायात पाता कसे याना ह्य धका धाय्वं
 मणिचूड राजां आज्ञा जुया बिज्यात ।

हे ! मन्त्री परया निस्ति रक्त-मांस समेतं जि त्याग
 याना बिया आः व किसि छहया कारणे उलिमछि
 मनुष्यपिनि हि बा न्ह्याइगु ज्वाय् गथे जि छन्त अनुमति
 वी, बरु की ब्राह्मणयात चित्त बुके ज्वीकथं हिरा, मोती
 आदि बिया किसि लितकया दुखेसहयात तुं बिया छ्वेगु
 जूसा जिगु अनुमति दु अहंकार अभिमानी जुया ल्वाय्गु
 खँ ल्हाय मते, शान्त जु, क्रोधयात अक्रोधं त्याकि,
 अशक्ति यात शान्ति त्याकि, धका उपदेश ब्युगुलि
 मन्त्रीयात छु याय् गथे याय् धैथे जुल । तर राजाया
 उपदेशयात ग्रहण याना परिणामे श्मु तंयात थमं तुं
 स्याना चक्क ।

थनंलि राजाया संसार विषये बैराज उत्पन्न जुल,
 ताकाल स्वाना च्वने दुगु श्व संसार मखु लःया । बुल्लुले
 थें छन्हु मर्णन्ति जुया बने मानी । श्व अनित्य संसारया
 छु माया काय्गु । राज्य भोगया विलाश नं मयल । अः
 जि वने बास यना योग ध्यान याना च्वने माल कका
 विचार याना कसुका तयो आकासे श्स्वतं आकासे नं

प्यहा प्रत्येक बुद्ध राजाया विस सीका वया क्वगु खन,
 खनेवं विन्ति याना भो महाऋषी मुनिपि जिगु वपने
 अनुकम्पा तर्था विज्याहुं धका आशधना याना मागु
 संग्रह याना विज्यात । अनलि यानु दुःखया खं प्वका
 प्रपंच छुते उवोमाल धका पार्थना यात । प्रार्थना वायवं
 प्रत्येक बुद्धपिस महाराज छं छुं धन्दा काव मते, छंमुहे
 उपरे दया तर्था वयागु खः, आः छं जिमिगु कीदर खः
 उवं छन्त आकास मार्ग यका एकात्त थाय तमा बी,
 धका आश्वासन याना आकास मार्ग व्वयका रमणीय
 बन भूमी यका योगध्यानादि याना सुख पूर्वका च्वना
 छवं छुं, गवे जुया आपत्-विपत् वल धासा जिमिगु
 लुमंकि, छन्त जिपि वया उद्धार याःव्य धका मंग्यत्त
 धैर्यता विद्या प्रत्येक बुद्धपि यःगु बालेसं त्याही
 विज्यात ।

राजा मणिचूडया न ध्यान भावना याना जंगलिया
 सुख अनुभव याना च्वन । वस्पोलया मैत्री जंगलवासी
 धुं, भालु, सिंह आदि अनेक जन्तुपिनि न थवं थः प्रेम
 बढे जुल, सुनानं स्वोगुं उपरे हिसा यायगु मन मन्त ।

राजसि मणिचूडयात् परीक्षा

अनेक छंमु राजसि मणिचूडयात् परीक्षा याना रवे

धका गौतम ऋषी हिमालयया आसपासे च्वना च्वंम्हे-
सिथाय् बना थये धाल-

महाराज ! छाया् थपाय्चवो अगम्यगु बने च्वना
बिज्यानागु, थन भयानकर्पि जन्तुत दु, थजागु ग्यानापुगु
निरंजन बन मध्ये च्वना छाया् दुःख सिया बिज्यानागु?
बिशाल राज्येश्वर्य त्याग याय् मते । प्रजापिन्त प्रति-
पालन याना साकेत नगरया वैभव भोग याना च्वं ।
योवनया अवस्थाय् राजपात त्वःता दुःखसिया च्वनेमते
धका धाल ।

अले राजा मणिचूडं प्रत्युत्तर बिल- भो ! ऋषीजु,
छपिके उलि हे ज्ञान मडुला ? छु खँ धया बिज्यानागु,
'संसारे जरा दुःख, व्याधि दुःख, मरण दुःख धयागु दु ।
जिला श्वहे कल्पना याना कि भव दुःखं मुक्त ज्वीगु ब
दुःख समुह जुया च्वंगु राज्येश्वर्य आः जित मागु मडु ।
जित ला थन हे सुख शान्ति दु धका लिसः बिल । थये
खँन्यना गौतम ऋषी सन्तोष जुया थःगु आश्रमेसं बन ।

थनंलि साकेत नगरे मडिचूड राजा बियोग जूगुलि
सकल प्रजापिनि अपशोच जुल । जुजु मडुगु देश छुं
शोभा मडु । आः सुयात जुजु याय् धका विचार यात,
लिपा सकलया सम्मति पप्योत्तर राजकुमारयाततुं राज्य
बिज्या धका सस्साह याना असंख्य धन बिबा मारिची

ऋषीयाथाय द्योत । मारिची ऋषीयात माक्को धन
बिया पद्मोत्तर राजकुमारयात लित् ब्वना हया राज्या-
भिषेक बिल ।

साकेत नगरे संग्राम

अले राज्याभिषेक बिया गुलिवां मदुवं युद्ध यायगु
आरम्भ जुल । सुबाह मन्त्रीं शत्रु-दुष्ट राजायात संहार
यायया लागी युद्ध सामग्री तैयार याना सकल सैन्यपिन्त
शस्त्र-अस्त्र बिया अनेक प्रकारया व्यन-बाजा थाका
पद्मोत्तर राजा न्ह्यो न्ह्यो तथा दुष्मन राजा नापं
युद्ध यात । युद्ध यायां लिपा दुर्बेसह राजा पाले आपालं
सैन्यपिं मृत्यु जुल । युद्ध भूमिइ खुसि न्ह्याथे हि बाः
न्ह्यात । दुर्बेसह राजाया कन्कन क्रोध प्याहां वल ।
क्रोधं पद्मोत्तर राजायात राक्षसं मिखा कंथे कना व्याघ्रं
ल्युबे सित । परिणामे थहे असमर्थ जुया निराशां बिस्युं
वन । अले अबशेष जुया चर्वापिं दुष्मन सैन्यतेत कक्कु
उबंउबं म्वे व्याघ्यां, ह्ला-तुति त्वथुथुं सम्पूर्णं दुष्मनत
हटे याना बःगु देशयात कब्जा याना कया 'जय नाम'
याना प्रजापिन्त सुखानन्द बिया बांलाक राज्य चले
बलानन्द ।

राजर्षि मणिचूडयात् तृतीय परीक्षा

अनंलि इन्द्रं मणिचूडया चित्त परीक्षा यायत्त देव
 पुत्र छहसित सःता खँ स्यन, हे पुत्र ! छ मारिची
 ऋषीयाथाय् बना पुष्प बने स्वाँ श्वः वइह्य पद्मावती
 रानीयात बलात्कारं ज्वना राजर्षि मणिचूड चवना चवंगु
 हिमाल बने यंका सास्ती या धका छोट । अले व देव
 पुत्र व्याधायी भेष कया मारिची ऋषीया पुष्प बने
 च्वंच्वं वल । तदन्तर पद्मावती नित्य पूजाया लागी स्वाँ
 श्वः वल । वेवं सँ प्वाँय् ज्वना रानीयात लुत्त लुया
 यंकल । रानी भयभित जुल, ह्य थररर खाका कल्लोल
 शब्द पिकया, जित सुनां रक्षा याः बइ, हा देव ! जि
 अभागिनी मिसायात व्याघ्रं ज्वंथे ज्वंका दुःख कष्ट
 नया चवने माल । हाय हाय ! जिह्य दयासागर स्वामी
 थौं गन चवना बिज्यात जुइ, अजाह्य दयानिधि महा-
 राजया पत्नीयात थौं चण्डाल व्याधां सास्ती याका चवने
 माल । भो प्रभू स्वामी ! छपिं गन दु, जि अनाथ
 मिसायात रक्षा याः बिज्याहँ धका गुं (वन) छगुलि
 ध्वेक खवया चवन । वन श्वःगुलि छु शब्द बोगु थै धका
 राजा आश्रमं दना प्याहाँ वया ध्यान तथा न्यना चवन ।
 विरहनं राजाया गुण स्मरण ग्राना ग्वाहासी पवन

चवंगु ताल । ताय्वं थ्व सु जुइ, थपाय्चवी अगम्य जंगले
 विलाप घाना जित स्मरण याना च्बंह्य । छुं दुःख जुया
 च्चवंगुलि हे मखा जुइ जित लुमंका च्चवंगु जुइ धका
 मती ल्वीका वयात धैर्यता बिया छोट । छ सु खः, गुहा
 खः, छन्त रक्षा याय्त जि बया च्चवना ग्याय्मते धाधां
 शब्दथा शूरे पद्मावतीयाथाय् थ्यंक वन । अले पद्मावतीं
 थः स्वामीया पाली भोपुया नाना प्रकारं विलाप याना
 धाल- स्वामी ! जित लुमंनि ला ! जि व पुत्रयात वान
 बिया बिज्यागु बखते जि मदेक स्वामी नाथवा प्रण
 स्थिर जुइ मखु धका आज्ञा जुया बिज्यात, आः व खँ
 छु जुल । स्वामी, स्वाल आः व बने धुंकुमु खँ । आंवल
 राज्यसं च्चबंने नु । क्षत्रिय वंश जुया च्चनह्य छस्पी-
 लया भार्यायात थथिनह्य च्चण्डाल व्याधां सास्ती बाकी
 च्चवने माल । भो प्रभू स्वामी ! जित थ्व दुःखं मुक्त
 याना बिज्याहुं धका निवेदक यान्त । अले राजषि
 मणिचूडं व्याघायात थथे धाल-

हे मह मुख व्याधा ! छं थ्व मिसाय्त हरण
 याय्गु अयोध, थ्व मिसा काश्यप गोत्र मारिची ऋषीया
 वासी खः । उह ऋषीं सिल धाय्बं छन्त मम्म याइ
 धका स्वाच्रो बिया बिसिके छोट ।

आंलि पद्मावतीयासीएन बिल, पद्मावती विलाप

याय्मते । सकल प्राणीया हालत थथे हे खः, ह्लापा व
 लिपा दुःख-सुख जुइगु सांसारिकया स्वाभाविक खः ।
 हाला-खवयां दुःखं मुक्त जुइगु मखु । थथे शोक सन्ताप
 जुइ धका हे सुखाभिलाषा त्याग याना तपोवन वया,
 पद्मावती, छ व जि बाय् माल धका मने दुःख ताय्मते ।
 ताकाल तक ह्वना चवने दुगु जीवन श्व मखु । थौं ला
 कन्हे ला थथे अथे धाय्फुगु श्व देह मखु । अथेया कारणे
 मारिची ऋषीयाथाय् ल्याहाँ हँ, धका बिदा बिल । बीवं
 छह्य देवतां मनुष्य रूप कया मणिचूडयात काःमे भुले
 याय्त थथे धाल-

हे मणिचूड ! छन्त धात्थें नं सुखावती वास लाइ,
 बिस्मात् याय् मते । अनाथ अवला मिसायात दुःख-कष्ट
 सिके मते । वयागु उपरे स्नेह ति, अगम्य जंगले चवना
 छाय् दुःख भीग याना चवनेगु, बिज्याहुँ थःगु राज्य
 ऐश्वर्य सुख विलाश याय्त धका धया हय्वं मणिचूडं-
 हे पापी मार ! छ सु खः जित कामे दुफवाय्त सना
 हाला च्वंह्य । छं जित कामे दुफिनां फी फेमखु, हँ छ
 मागु थासे धका धया छोट । अले उह्य मार असमर्थ
 जुया ल्याहाँ वन । पद्मावती नं मिखाय् खबि जाय्क
 तया नुगः मँछिका मारिची ऋषीयाथाय्तुं ल्याहाँ वन ।
 अले मारिची ऋषी वयावतीया नुगः मँछिगु सीका

वयात बिदा बिया साकेत नगरेसं छोया बिल । पद्मावती
थःगु राज्येतुं वना सुखपूर्वकं आनन्द कया च्वन ।

अयोध्यानगरे दुर्भिक्ष

अनंलि अयोध्यानगरे दुर्भिक्ष जुया असंख्य जनतापिं
मृत्यु जुल । जनसंख्या ह्लियाह्लिथं पाः जुया वंगुलिं
दुखेसह राजां छु उपाय याःसा सुभिक्ष ज्वी धैगु विचार
कात । परिणामे मणिचूडया शिरोमणि हया मणि लखं
हाःहाः यात धाःसा अवश्य देशे सुभिक्ष जुया वइगु
सम्भव दु, धका विचार ल्वीका न्याह्य ब्राह्मणपिन्त
सःता धाल- पुरोहिर्तापिं, छल्पोलपिं हिमालय बिज्याना
मडिचूडया शिरोमणि पवना हति धका नियोजित याना
छोत ।

थुगु हे समये मणिचूडं हिमालय आश्रम त्वता
वर्तमाने नां जुया च्वंगु मणिचूडे वया च्वन । थन वसां
निसें वसपोलया दान बीगु इच्छा नं दया वल । छन्हु
वसपोलया मने थथे लुल सुं वया जिगु शरीरे च्वंगु छुं
पवन धाःसा सर्वाङ्ग दान बिया छ्वे, धका मने तथा
आसनं दना उखें-थुखें स्वया च्वन । थबलेलाक्क न्याह्य
ब्रह्म अन थ्यंक वन । लपिं न्याह्य ब्राह्मणापिं बोणु खना
मणिचूड राजां आश्रमे धैक मर्यादा तथा कलजुत्तादि

नका आदरं न्यन-

भो ब्राह्मणपि ! थपाय्चवो घोर वनान्तरे छाय्
बिज्यानागु ? छु ज्या परे जुल धया बिज्याहुँ । अले
उपि ब्राह्मणपिसं धाल-महाराज, मेगु कारणं थन वयागु
मखु, अयोध्या नगरे दुर्भिक्ष जुया आपालं सत्व प्राणिपि
मृत्यु जुल । आः व देशे शान्ति याय्या लागी छपिनि शिरे
चवंगु मणिरत्न पवंवया । छल्पोलया कीर्ति व प्रसन्न
समस्त देश-विदेशे 'दानपति' धका फैले जुया चवंगु दु,
आः जिमिगु देशया लागी नं करुणा तसे अनुकम्पन सत्त्व
मणिरत्न दान याना बिज्याहुँ धका याचना यात । अनलि
मणिचूड राजां अत्यन्त हर्ष जुया धाल-

भो ब्राह्मणपि ! छिमिसं याचना यागु मणिरत्न
जि त्याग यानागु जुल, का छिमिसं गुकथं 'मणिरत्न'
लिकाय्गु खः, उकथं उपाय याना यंकि धका तगोगु
ल्वहँ फाते पुलिं चुया मिखा तिसिना सकल सत्वप्राणी
पिन्त हित-सुख ज्वीमा धका मैत्रीचित्त तथा चवना
बिज्यात ।

अले उपि ब्राह्मणपिसं मणिचूड राजाया शिरे
शस्त्रं प्रहार यात । प्रहार वागु वन देवतां स्वया
चवने मफुत । हे हे चण्डाल निर्बन्धी ब्रह्मचर, असायुधुं
महायुधुंवात छाय् घालक यत्नागु यावे सत्ते । छिमिसं

महा पाप लाइ स्व धका ब्राह्मणपिन्त त्राश बिया हल ।
अले वन देवतायात मणिचूड राजां थथे धाल-

“हे मार ! छं जिगु दान पारमिताय् विघ्न-बाधा
याय् मते । आजक मखु जिं थ्व दुष्करचर्या याना दान
बिया च्वनागु कल्पां कल्प बिते जुइ धुंकल । शिरजक
दान याना वयागु संख्या यात धाःसा सुमेरू पर्वत स्वया
नं अपो दत्त जुइ । हि जक दान याना वयागु मुंका तःसा
सागरया जल स्वया नं अपो जुल जुइ । हे मार ! छं
जिगु थ्व दान उपपारमी पूर्ण जुइगुयात ध्वंस छता याना
बीसी । छंगु लें लिना हुँ धका धया छोत । अले देवताया
नुगः मँछिका तुलुतुलुं स्वया च्वन ।

ब्राह्मणपिसं नं मणि काय्या लागि अनेक बार शस्त्रं
प्रहार यात, तर हा समेतं लेंथना काय् मफुत । हाकनं
कःति किल । महाराजाया सह यानां सह याय् मफेक
दुःख वेदना जुल । वेदना जूसां तबि थःगु मनयात थमं
तुं बोध यायां धीरज बिया छर्यो फाय्का च्वन । निर्दयी
ब्राह्मणपिसं नं फन फन दुःख-वेदना जुइगु कथं फाया
च्वन । अले मणिचूडं थथे धया च्वन-

हे ब्राह्मण ! जिगु प्राण वनीन याकनं मणि लिका,
प्राण वनी न्ह्यो जिं छिमित स्वच्छ मनं दान याय् ।
याकनं लिकाय्गु नियतं फन तसकं वेदना जुइकथं फाया

यक्को हि बा न्ह्याकल, हिया बा न्ह्याना वंवं रोहिणी नदी मिले जुल । स्वया च्वंहा वन देवीं हिबा न्ह्यागु स्वया च्वने मफया वन छगुलिं थ्वेक लाय् लाय् बुबुं हाला खवया हल ।

ब्राह्मणपिसं नं अति कष्ट याना मणि लिकया राजाया लहाती तथा बिल । राजां व मणिरत्न स्वया अत्यन्त हर्ष जुयालि उर्पिं ब्राह्मणपिन्त दान बिल । अले दानया प्रभावं सारा पृथ्वी कम्प जुल । देवगणपिनि नं आश्चर्य अद्भूत जुल । थ्व छु हेतुं भूकम्प जूगु ज्वी धका विचार यात । लिपा थुल कि मणिचूडे मणिचूड राजां शिर फाय्का मणि दान ब्यूगु अले सारा भूवनया देवतापिं जम्मा जुया मडिचूड राजायात चवस्वाँ, पलेस्वाँ, पाल्जास्वाँ आदि अनेक प्रकारया स्वाँनं पूजा याना हल ।

ब्राह्मणपिं नं मणि दान कया सन्तोषं अयोध्या देशे वना उगु मणिरत्नया पाखें ज्या काल । मणिचूडं मणि लिकाय्का बिया छ्वेवं असह्य दुःख वेदना जुया मुक्षित जुल, अले शक्रदेवं संजीवनी वास' शिरे लेपन याना दुःख वेदना शान्त याना बिल ।

अनंलि मारिची ऋषीया नं सन्देह जुल, विनां छगू हेतु मवेकं अर्थे हे पृथ्वी कम्पमान ज्वीमागु मवु धका

चिन्तना याता निसः (२००) शिष्यपिं व्वना मणिचूडे
 यल । वेवं राजाया बुर्बसा खन, नुमःपा भाराभारा शिका
 हथा हथससं वनदेबीयाके न्यन । तवनन्तर भवपूति
 ऋषीं नं सीका आकाश मार्गं साकेत नमरे वना मडिचूडे
 जूगु वृतान्त समाचार पद्मोत्तरयात व पद्मावतीयात
 कना निहसितं आकाश मार्गं हया उगु मति जुवाचंगु
 वयन । अले उरिं निम्हं छयंने बाबां तसकं विलाप यात ।
 विलापया सलं राजायात होश वत । होश वेवं छवासेरं
 स्वत । देवगर्णापिं व ऋषीमुनि खन । खनेवं जुह्वक वना
 फेतुत । फेत्वीवं ऋषी मुनिपिसं न्यन— महाराज, छाप्
 थपायच्चो वेदना ज्वीक मषि दान बियागु ? अले राजां
 ऋषी मुनिपिन्त थथे आज्ञा जुया बिज्यात—

भो ऋषी मुनिपिं ! जिं थ्व दान बियागु मेगु कारणं
 मखु । सम्यक सम्बोधिज्ञान, प्राप्त याय्त व लोकवासी
 पिन्त हित-सुख याय्त दान बियागु जुल धका आज्ञा
 जुना बिज्यात । थुलि खँ न्यने मात्रं सकल देव-गन्धर्व
 मनुष्य आदिपिं सन्तोष जुया दुतिय बार नं स्वाँ वा
 गाय्का विदा जुया वन । लिपा पद्मोत्तर राजा व महा-
 रानी मणिचूड राजाया चरण कमले भोपुया विलाप यासे
 प्रार्थना यात । बुबा ! बिज्याहुँ नु खीगु देशे, बुबा मनु-
 गुलिं प्रजापिसं दुःखसिया च्वन । ह्यापा खँ प्रजापिन्त

महान कुरुणा तस्मै राज्यं चलेयानां विज्याहं धका आग्रह
यानां च्वन । वास्तवे उनु हे बखते प्रत्येक बुद्धिपि थ्यंक
विज्यात । मणिचूडया सुचरित्र खना आश्चर्य अद्भूत
चावा यथे आज्ञा यानां विज्यात—

हे मणिचूड राजा ! छ खना अति हर्ष जुल । आः
धःनु देसे तु वना राज्य वाना च्वं । छं पुत्र व भाव्या-
पिसं अति शोक सन्ताव काल, यदि छ आः मवं धाव्वं
युधि निहसियां छाती गना हि लह्या मरणान्त जुड
धका धयालि स्वह्य माचाछियात नं प्रत्येक बुद्धिपिसं
सक्केत नगरे यंका धममुकूलं राज्य पालन याना सुख
बिलाश वाना च्वं धका उपदेश बिया हिमालयसं ल्याहां
विज्यात ।

अनंलि दुर्खेसह राजायात ज्ञात जुल कि मणिचूड
राजा हानं वया राज्य भोग याना च्वन धंगु सीका
क्षमा पर्ववल । राजा मणिचूडं नं क्षमा व धन हानं
बिया छोट ।

निगमन

शास्त्री सहस्र उषुक्तुगु 'मणिचूड' राजा' या खं
कने तिखेका पुनः यथे आज्ञा जुया विज्यात—

हे भिक्षुभि ! उगु बखते दुर्खेसह राजा आःया

देवदत्त खः । उगु बखते ब्रह्मदत्त, शुद्धोदन महाराजा
 तथा महारानी कान्तीमती महामाया देवी खः । पद्मा-
 वती रानी व पद्मोत्तर राजकुमार आःया यशोधरा व
 राहुल कुमार खः । उगु बखते ब्रह्मरथ पुरोहित आः
 सारिपुत्र खः । भवभूति ऋषी आः आनन्द भिक्षु खः ।
 मारिची ऋषी, आः काश्यप भिक्षु खः । बाकि दुर्पि सकल
 परिषद् आः दुर्पि बुद्ध परिषद् खः । राज र मणिचूड
 स्वयं जि हे खः धका आज्ञा जुया विज्यात ।

॥ अक्वचाल ॥

Dhamma.Digital

—: PANDITAR BHASITRIS

1st Edition 1988
2nd Edition 1995
3rd Edition 2002
4th Edition 2010
5th Edition 2018

—: PANDITAR BHASITRIS
1st Edition 1988
2nd Edition 1995
3rd Edition 2002
4th Edition 2010
5th Edition 2018



Dhamma Digital

1st Edition 1988
2nd Edition 1995
3rd Edition 2002
4th Edition 2010
5th Edition 2018

1st Edition 1988
2nd Edition 1995
3rd Edition 2002
4th Edition 2010
5th Edition 2018

Copyright © 1988, 1995, 2002, 2010, 2018

धर्मक्रीति प्रकाशन :-

नेपाल भाषा :-

- १) बुद्धया फिनिगू विपाक
- २) अभिधर्म भाग-१
- ३) मैत्री भावना
- ४) ऋद्धि प्रातिहार्य
- ५) योह्य म्हाय्य
- ६) पञ्चनीवरण
- ७) बुद्ध धर्म
- ८) भावना
- ९) एकताया ताःचा
- १०) प्रेम छु ज्वी ?
- ११) कर्तव्य
- १२) मिखा
- १३) बुद्धया अन्तिम यात्रा-१
- १४) " " " -२
- १५) त्रिरत्न गुण स्मरण
- १६) परित्राण
- १७) कर्म
- १८) प्रार्थना संग्रह
- १९) बाखँ भाग-१
- २०) " " -२
- २१) " " -३
- २२) मत्ति भिसा गति भिनी
- २३) बौद्ध ध्यान
- २४) पञ्चशील
- २५) हृदय परिवर्तन
- २६) ह्यापांयाह्य गुरु सु ?
- २७) बोधिसत्व
- २८) शाक्यमुनि बुद्ध
- २९) अनत्त लक्षण सुत्त

- ३०) वासेट्टी थेरी
- ६१) धम्मचक्कप्पवत्तन सुत्त
- ३२) लक्ष्मी द्यो
- ३३) महास्वप्न जातक
- ३४) अभिधर्म भाग-२
- ३५) बाखँया फल भाग-१
- ३६) " " " २
- ३७) जातक बाखँ
- ३८) राहुलयात उपदेश
- ३९) अहिंसाया विजय
- ४०) प्रौढ बौद्ध कक्षा
- ४१) मूखंहा पासा मज्जू
- ४२) बुद्धया अर्थनीति
- ४३) श्रमण नारद
- ४४) क्षान्ति व मैत्री
- ४५) उखानया बाखँ पुचः
- ४६) पालि भाषा अवतरण
- ४७) पालि प्रवेश
- ४८) चमत्कार
- ४९) मणिचूड जातक

नेपाली भाषा :

- १) बौद्ध प्रश्नोत्तर
- २) बौद्ध दर्शन
- ३) नारी हृदय
- ४) बुद्ध शासनको इतिहास
- ५) पटाचारा
- ६) ज्ञानमाला
- ७) बुद्ध र उहाँको विचार
- ८) शान्ति
- ९) बौद्ध ध्यान

थाकू : शाक्य प्रेस, अंबहाल, काठमाडौं । फोन : १३६०४